

PIERI 'LETRE PLE MI 'LA YƆNDIA-

Pieri a 'Letre ple mi 'ε ngblo

Pieri 'letre ple mi 'lεε- ɔdia Zesu 'yi mu 'ε 'kpen -la ni. -Ya ɔpia -o ni dɔɔ -yaa' pε 'tre yan bhla 'ε ɔbhwa -wa -din. 'Bhela -zayile, -yoo -daanna -za mu 'la 'le, -e 'mu dɔ gbe dreewo 'zi -o 'kpee 'ezin. 'Letre ɔlwa mi 'ε 'yi, Pieri 'a ɔpia Zesu 'yi mu 'ε ni dɔɔ -o bo 'eglole -waa' 'kpaleya 'ε 'yi, 'ali- 'ke mεε mu 'ε -yrenkpaa -o ta. 'Letre ple mi 'lεε- 'yi, -yoo -liala dɔɔ -o mεε daangbeya -lrele' 'la -o 'bhe ɔmaa 'ε -o bo 'bheε- ta 'tanii; 'bheε- waa dɔle bhla ma mεε daangbeya mu 'ε zi. (Pieri Ple mi 1.1-15), 'letre 'lεε- win -le 'kela 'le 'bhe -le 'yee- Pieri Zesu 'yi mu 'ε -daanna -za mu 'la 'le, -e 'mu dɔ 'zi 'mu 'kpee 'ezin.

'Elwale 'pe (Pieri Ple mi 1.16-21), -e Zesu Kriɔ ba Jan -Nrale' 'ε 'bhe -dwa -o 'kpee. 'Yee- Pieri 'gbu 'pegee Zesu a Winbɔwo mu -vin mu 'ε -woo 'bhe -Jan 'Nrale- 'ε 'sre 'le. -Waanbhaa' -jan ɔkpaa -a -lela' janwo mu 'ε 'lii Lii 'Weŋ 'ε 'le, 'bheε- 'mu -yaa' 'Sewe 'Weŋ 'ε yɔndia-. 'Bhe mu -o 'ezin- -a 'sre 'le.

Pieri bhla ma mεε daan mu 'ε -o 'taawogbeya 'ε tapwela mɔkpen' ni kpataakpa (Pieri Ple mi 2). Zudi -jan 'kpankpanyaan bhla ma mεε daan mu 'ε ma gɔnε- 'la gbεen-, Pieri 'bheε- 'yansi za ɔkla 'ezin- 'woo- bhla ma mεε daan mu 'ε ma -yaa' 'letre ple mi 'ε 'yi.

-A -le yaga mi 'ε 'yi, mεε 'la zan mu -yaa pe 'zi

doo Meezan Zesu 'laa nu nule, 'bheε- -e 'drunyan 'yi mu 'ε 'kitikan, Pieri -jan zikpaa- 'mu ni. -Ya Ɔpia Zesu 'yi mu 'ε ni doo 'ke Zesu -o -a nule 'ε tado 'zi, -wa 'yaango- 'bhii- -Waanbhaa' -o -a zrubakpaa zii' bhaapleŋ mu zi. -Amasroyi, yaa -o -a zi 'bhii- mee 'kedo- 'kpɔ kle nipe 'le. 'Duŋ- -ya zi 'bhii mɔkpen' 'ploo- -za 'yoo ma, 'bheε- -woo zru niinaa' (Pieri Ple mi 3.9).

'Letre 'leε- 'leyanyre 'ε 'yi, Pieri -o -a zi 'bhii- Zesu 'yi mu 'ε -o 'taawogbeya 'ε kle 'weŋ, 'bheε- 'ke waa -la yre -srɔwo' -o ta -za 'kedo- 'yi Krisi 'nu yi 'ε 'le (Pieri Ple mi 3.11-18).

Pieri a 'pubowli

¹ 'Mi Simo Pieri 'la 'η 'yoo- 'ke Zesu Krisi a yewone 'pegee -yaa' winbowo mi 'le bhe, 'mi -le 'letre 'leε- de 'zi. 'Mee 'la zan mu 'yee- 'kpaleya -za -gloo do 'kpɔ 'la -yoo 'o mɔo 'koo 'bhe 'srɔwoa- -kooa' -Waanbhaa' 'pegee -koo' 'Bhee Mi Zesu Krisi 'ledooleya 'ε ma, 'mi -o 'yee- 'letre 'leε- 'kpa zii' 'bhe zan mu 'kpen -la ni.

² Bhaa -Waanbhaa' -lileya 'pegee yilabla na 'ka ni 'bheε- -yoo pa 'ka ta 'ebebele, 'ke -ya kle 'bheε- 'ka 'yee- -Waanbhaa' 'pegee -kooa' Meezan Zesu do!

*-Waanbhaa' -koo' 'siila- 'bheε- -e -koo' mak-
wan- ye 'la 'kaama-*

³ -Waanbhaa' a -glooya' 'ε ma, -e -koo' -gbaa pe 'oo pe 'la 'bhe so -a klele- 'bheε- -koo' bo -koo' 'yre ma, 'bhe 'pegee -koo' bloole bo 'yee- ma, 'bhe 'kpen ba. -Ya Ɔkla, 'bheε- mee 'la zan -koo' 'siila-

doo -koo' do kle 'bhe 'gbu a 'tobhōleya 'pegee 'bhe a wlanya -gbene 'e ba -koo' 'bhe zan do.

4 'Bhe 'tobhōleya 'pegee 'bhe wlanya 'e ma, -Waanbhaa' 'a 'liiwli- mu 'la -za -o 'egloole, 'bhe- 'ke -woo 'egblaale 'mu □naa -koo' ni. -E -yaa zi 'bhii- 'bhe -liiwli' mu 'e 'sroyi 'ka so gole- 'drunyan 'la 'siele- -o 'ke bhaapleṅ zrubho ma -za -yoo' mu 'e 'le 'mu 'lee, 'bhe- 'ka zru mu 'e kle 'bhii- 'yee- -Waanbhaa' 'gbu zru 'e gbeen-.

5-7 'Bhela- -zayile, -ka do klen 'ke 'ka 'kpa- leya 'e 'taawogbeya -lrele' na 'ka ni, 'bhe- 'ka 'taawogbeya -lrele' 'e 'bhe 'a kle 'bhe- 'ka -Waanbhaa' do; 'bhe- 'kaa- -Waanbhaa' dole 'e 'bhe 'a kle 'bhe- 'ka so 'ka 'gbu 'yikunle -za klele ma. 'Ka 'gbu 'yikunle 'e 'bhe zrubakpaa na 'ka ni, 'bhe- 'ka zrubakpaa 'e 'bhe -Waanbhaa' -leeḡblaale wla 'ka zru 'e 'yi. 'Bhe- -Waanbhaa' -leeḡblaale 'e 'bhe 'a kle 'bhe- 'ka -za so 'eke- ni 'bhii- neene- ma do mu; 'bhe 'solekeniya 'e 'bhe -le 'soniya 'la 'bhe 'laa mee bago 'bhe na 'ka ni.

8 'Ke 'bhe -za mu 'la bhe 'mu -o 'ka zru 'yi 'ebe- bele, 'mu nu -a klele 'bhe- 'ka 'laa bo bhaama; 'ka nu -koo' Meezan Zesu Krisi baandole 'tanii, 'bhe- 'ka nu klele mee -yrebakanle mu 'le.

9 'Dun- 'bhe -za mu 'la bhe, 'ke 'mu 'laa -o mee 'la zan zru -yi, 'bhe zan -o 'bhii- -yre 'wi mi do gbeen-, 'bhe- yaa so yre ma ye-. -Waanbhaa' 'a dogbeya gwe 'la 'yaa- -za 'yoo- 'yi 'bhe golawoa -a 'koo, 'bhe -za 'e □nia -a 'kpee.

10 'Bhela- -zayile, 'ṅ neene- mu, -ka do klen 'ke 'kaa zron 'bhii- -Waanbhaa' 'ka 'siila-, 'bhe- -e 'ka makwan- wlan ma yaa pe 'le. 'Ke 'ka 'bhe □kla, 'bhe gbeen- bhe, 'ka 'laa nu baale -za 'yoo- yi -titi.

11 'Bhe klɛgbeya 'ɛ gbɛɛn- bhe, -Waanbhaa' nu -kɔɔa' Mɛɛzan 'pegee -kɔɔ' 'Bhee mi Zesu Krisi -a -bhleɛgbeya -wa 'la -daŋ' 'laa -o 'bhe ma -titi, 'bhe 'liigole 'egbenele 'ka ni, 'bheɛ- 'ka wla 'bhe nɔɔ-.

12 'Bhela- -zayile, yi 'oo yi, 'η bo 'bhe -za mu 'la bhe 'mu -la -za dɔle ma 'ka 'kpee, 'ali- 'ke 'ka -o dɔ, 'bheɛ- 'ke 'ka blɔle -o 'ka wlan 'la 'srɔwoa- 'bhe ma 'egɔle.

13 'N 'yoo- -li 'η 'yre ma 'η 'fle 'lɛɛ- 'yi 'tre 'lɛɛ- ta -gɛ 'waati 'la ba, 'an □ya 'bhii- -za wlan 'le 'ke 'η bo 'bhe -za mu 'ɛ dɔle ma 'ka 'kpee, 'kooko- 'ka 'yri 'laa go 'ka 'gbu -za 'le,

14 -amasrɔyi, 'bhii- -kɔɔa' Mɛɛzan Zesu Krisi 'gbu 'a -zrɔna 'η ni gɔnɛ- 'la gbɛɛn- bhe, 'an pɛ 'tre ta bole 'ɛ 'yan bhla □bhwa -wa -din.

15 'Duŋ-, 'η nu dɔle 'egɔle 'ke 'η 'ka daan 'bhe -za mu 'ɛ 'le, 'kooko- 'an pɛ 'tre ta 'ɛ 'yanle- blaan, 'woo- -za mu 'ɛ dɔ 'ka 'kpee.

Mɛɛ 'la zan mu Krisi a 'tɔbhɔleya 'ɛ □ya

16 Wlan 'ɛ ni, 'o 'ka -daanna -kɔɔa' Mɛɛzan Zesu Krisi a -glɔya' ma nu gbɛ plɛ mi 'ɛ 'la 'le, 'waa 'ɛ bhe 'silɛ- bhaaplɛŋ a yikanleya ma can mu zi. 'Duŋ- 'o 'yee Zesu 'ɛ □ya kpataakpa 'o 'yrebhe- mu 'le -yaa' 'tɔbhɔleya 'ɛ 'kpɛn 'yi.

17 -Amasrɔyi, -a Dɛ -Waanbhaa' 'tɔbhɔle 'ɛ 'bhe 'a 'ledwa- -a ma, 'bheɛ- 'bhe 'a 'tɔbhwa- 'waati 'la ba, 'bhe □kla 'o mɔɔ 'gbu 'yre ma, 'bheɛ- 'bhe 'weli- 'ɛ -daa lafle' ma 'ke 'bhe 'a 'pele dɔɔ: «'N Gbe 'la -za sɔ 'η ni 'egbenele, 'yele- -gɛ; 'η 'yela- makwan- 'bheɛ- 'yele- 'η zrukpalaa 'egbenele.»

18 'O mɔɔ 'pegee 'yee- 'gbu 'yaa- 'waati 'la ba vlɛ
gɔɔn 'wenj 'ɛ 'wiinj-, 'o mɔɔ 'gbu 'bhɛ mɛɛ -weli' 'ɛ
□maa 'ke 'bhɛ da lafle' ma.

19 'Bhɛ ya 'ɛ 'yi, 'wa 'yaango- 'bhii- -Waanbhaa'
-lɛlajanwo mu 'ɛ 'wojan- 'ɛ 'bhɛ -o 'ke wlan 'le.
-Ka 'ka 'trɔnkpa 'bhɛ □la 'elrele. -Amasɔyi, 'ke
Zesu □nwa 'tɛ -yaa' 'tɔbhɔleya 'ɛ nu -bhilɛ' -kɔɔ'
zru mu 'ɛ 'yi 'wenj 'bhii- -lanbha do 'la 'bhi zii'
yɛ do nɔɔ- -gblo 'yi, 'bhɛɛ- -e nu 'ka zru mu
'ɛ bakanlɛ 'bhii- -zrwanzi -bunbhaa yɛ ma kan
gɔnɛ- 'la gbɛɛn- 'wenj.

20 -Kaa 'yaango- 'elwale 'pe dɔɔ: -Waanbhaa'
-lɛlajanwo mu 'ɛ -jan mu 'la 'kpen □woa, 'mu 'laa
'mu do 'kpɔ 'wɔlɛ- 'mu 'gbu 'winta-.

21 Wlan 'ɛ ni, 'woo- -Waanbhaa' -lɛlajanwole
mu 'ɛ 'kedo- 'kpɔ 'laa dale -lido' bhaaplenj 'gbu zru
maza ba, Lii 'Wenj 'ɛ 'bhɛ -le 'senj □naa bhaaplenj
mu ni, 'bhɛɛ- -o -Waanbhaa -lɛlajanwoa.

2

Bhla ma -Waanbhaa -lɛla' -janwo' mu

1 'Elwaleta, bhla ma -Waanbhaa' -lɛla' janwo
mu -yaa Izraeli mɛɛ mu 'ɛ 'plenj- gɔnɛ- 'la gbɛɛn-,
'bhɛ klɛgbɛya do 'kpɔ 'ɛ 'yi, bhla ma mɛɛ daan
mu nu -wlenlɛ' 'ka 'plenj- 'bhɛɛ- gbɛɛn- 'ezin-. -O
nu -dawli' 'kpale- 'ka gbɛ ta, 'bhɛɛ- -o nu wlale 'ka
'plenj- 'ke bhla ma mɛɛ daangbɛya mu 'le, 'bhɛɛ-
-o 'ka 'siɛ-. Zesu 'la 'bhɛ -o Mɛɛzan 'le 'bhɛɛ-
'ke 'bhɛ -o tagbawoa, -o nu -o -bangolɛ 'bhɛ 'yi.
'Bhɛ 'yi bhe, -o 'gbu 'siɛ -yɛn nu baale -o 'gbu ta
blaale-, 'bhɛɛ- 'bhɛ -o siɛ.

2 Mɛɛ -bebe nu dɔlɛ -o zi, 'bhɛɛ- 'mu nu -waa'
-yanbhɔɔya maza mu 'ɛ 'yansi klɛlɛ. -O klɛza

-yoo' mu 'ε ma, mεε mu nu -Waanbhaa' a wlan ma zi 'ε 'tɔ 'siεlε-. *

³ -Goli' 'flɛnya- 'ε ma, 'woo- bhla ma mεε daan mu 'ε -o nu 'ka 'yinilε 'ke bhla ma jan mu 'le, 'bhεε- -o 'ka tabhle. 'Duŋ-, 'kiti 'la 'bhε -o -lεε, -zɔn 'laa 'bhε 'kan yi 'ε dɔlε, 'bhεε- -o 'siε -yɾɛn 'ε 'bhε nu 'klalε- -o ba blaale-.

⁴ Wlan 'ε ni, -mlεkε' mu 'la -za 'yoo- □kla 'elwaleta -sɔ, -Waanbhaa' laa 'tolε- 'mu ma, -yoo -yrela 'ke kpεlε- mu 'le, 'bhεε- -yoo -blinna -gluu 'trole- -gbɛnε 'ε 'yi -gblo 'ε yi. -O 'kpale- -o 'bhεε- yɾε 'ε □nɔɔ ye 'ke -o 'kitikan yi 'ε magben.

⁵ 'Bhεε- 'elwaleta -sɔ, mεε 'la zan mu -za 'yoo- -kla Noe a pε 'waati 'ε ba, -Waanbhaa' laa 'tolε- 'mu ma 'ezin-. -E la gblo -gbɛnε 'ε -baan, 'bhεε- -yi 'ε -kpaa 'drunyan 'ε 'pegee -a -yi mεε -yoo' mu 'ε 'kpen ta. Noe 'la 'bhε 'yaa- zi -lɛdɔɔle 'ε ba janwo 'zi mεε mu 'ε ni, -Waanbhaa' 'bhε do -kplɛn 'pegee 'bhεε- a 'fa -la mu 'srwaplε- -la -gwa -za 'yi.

⁶ 'Bhε trala 'ezin-, -Waanbhaa' a 'kiti 'ε -balaa' Sodomu 'pegee Gomɔɔ -wa mu 'ε ta, 'bhεε- -yoo 'kpaciela 'fenfɛŋ 'ke 'tε 'le. 'Bhε -za 'ε □kla -za 'la 'yaa- nu 'tɛnlε- mεε 'la zan mu laa gblaan -Waanbhaa' -lεε 'mu ma 'bhε ma -tɔɔmasie 'le.

⁷ 'Duŋ- -Waanbhaa' mεε -lɛdɔɔle Loti -gwa -za 'yi 'yee- -wa mu 'ε 'siε 'waati 'ε ba. -A yaayɔɔn' mu a -yanbhɔɔya ma 'taawogbɛya -yoo 'ε, 'bhε 'pegee 'mu a -Waanbhaa' -lεεgblaankleya 'ε, 'mu 'a 'trɛbhwa□ 'eyɔɔle.

⁸ Wlan 'ε ni, 'yee- mεε -lɛdɔɔle Loti yaale 'la

* **2:2 2.2** Elwaleta, -o -yaa mεε dɔle Zesu □la 'ε 'bhε sii <Wlan ma zi>

-yaa -o ba, -e -yaa -o kleza -yoo mu 'la ye, 'bhe 'pegee -e -yaa -o wojan mu 'la ma yi 'oo yi, 'bhe 'yaa- -yrenkpa' zii' -a nii- 'e ta.

⁹ 'Wa 'yaango- 'bhe -za mu 'la bhe 'mu ma doo 'ke mee 'la zan mu gbtaan -Waanbhaa -lee, Meezan so -o gole- -o zrubaglin -za -gloo 'e 'yi, 'bhe 'pegee 'yee -Waanbhaa mee 'yoo- mu 'e kpa 'edanma -o 'krowo- zayi' -yaa' 'kitikan yi 'e 'bhe- 'le.

¹⁰ Mee 'la zan mu dole -o -o 'gbu 'fle zrubho maza -yoo' mu 'e zi, 'bhe- 'ke -o -Waanbhaa' a gbtaanya 'e mavee, -e nu 'bhe zan mu -la 'krowole 'eyoolle.

'N bhla ma mee daan mu 'la -waa' -janwoa 'ka ni 'elwale bhe, -woo 'gbu magbaande, 'bhe- -o 'gbu 'kpee ma -o so -za 'kpensee klele-. 'Bhe- lafle' 'yi mee 'tobhole mu 'la 'kpaale- -o bhaaplen mu wiinj-, waa gbtaan 'mu -zwanwole ma.

¹¹ 'Ali- -mleke' mu 'la 'mu fangan- 'pegee 'mu -gloo 'yiya- 'woo- bhla ma mee daan mu 'e ni, 'mu laa 'bhe laanima mee 'tobhole mu 'e 'kitikan, 'bhe- waa 'mu -zwanwo' Meezan -Waanbhaa' -yre □la.

¹² 'Dun-, 'woo- bhla ma mee daan mu 'la bhe, -woo -zadokle mu 'le 'bhii- wi mu 'la -o 'mu □kla 'mu 'kunza- 'pegee 'mu deza zayi'. Waa pe 'la do, -o 'bhe- -zwanwo; 'bhe- -o kleza -yoo' 'kwe 'e nu baale -o 'gbu ta, 'bhe- -o ga.

¹³ -O 'gbu nu -o kleza -yoo' mu 'e ma -sra 'sroowole. -O 'gbu zrubho maza -yoo' mu 'e 'mu -la klele so -o ni mokpen' 'yre ma -yrekpa' kpataakpa. 'Ke 'ka 'pegee 'woo- mu -o pebhle 'zi 'eke- ta, -o -yralado mee ma -waa' 'trinjo- maza

mu 'ε 'le. 'Bhe 'yi, -o zrukpaale kle -waa' mεε -yini' maza mu 'ε 'yi.

¹⁴ -Yanbhooya klele 'te -la dole -o -yɾε ta, 'bhεε- -o 'trε 'laa bhɔ -za 'yɔɔ- klele ma. Fangan- 'laa -o mεε 'la zan mu ta -Waanbhaa' a pε zi 'ε ta, -o -dawli' kpa 'mu gbε ta, 'bhεε- -o 'mu 'yini-. -Goli' 'flen -o zru ba, 'bhεε- -Waanbhaa' a 'dangan -o ma.

¹⁵ -O zi -lɛdɔɔle 'ε bhε □twa -a nɔɔ-, 'bhεε- -woo 'gbu 'yinia□. -O Bosɔɔ gbε Balaamu a pε 'taawogbɛya -yɔɔ' 'ε 'bhεε- □sia. Wlan 'ε ni, 'yee- Balaamu 'laa dɔle -a -la 'kee- 'taawo- -Waanbhaa' -weli' ta, 'bhεε- -e -dwa -a □la 'ke -ya 'gbu bɔ -za 'yɔɔ- klele 'yi -goli' 'flen ma. †

¹⁶ 'Duɲ-, -Waanbhaa' -jan sa -kpan 'kpalaa -a -lii 'bhe 'weli- 'kafawoza 'ε 'yi. Wlan 'ε ni, -soofali 'la 'bhe 'laa sɔ -janwole, 'bhe -janwoa -a ni 'bhii- bhaaplɛɲ do gbεen-. 'Bhe 'yi, 'bhe 'a □kla 'bhεε- 'yee- -Waanbhaa' -lɛlajanwo mi 'ε -ploola -yaa' klooya maza 'ε ma.

¹⁷ 'Woo- bhla ma mεε daan mu 'ε, -woo 'bhii- 'tɔ ɲgblo mu 'la 'yi -yi 'ε 'bheela-. 'Bhεε- -woo 'ezin- 'bhii- la -gblo mu 'la 'ke -plool 'ε -yoo blin la banle -lεε 'mu gbεen-. -Waanbhaa' 'woo- mεε mu 'ε 'lɛtwa□ yɾε 'la 'bhe -o -gblo 'tilale -gbεnε 'ε 'yi 'bhεε- ba.

¹⁸ -Jan -gbεnε -gbεnε 'pegee 'waso ma jan mu -le da -o -lii. Mεε 'la zan mu -gwa -za 'yɔɔ- kle mu

† 2:15 2.15 -Nɔɔle' 'sεwε 22.4'Elwaleta -sɔ, -o -yaa -bhɛngbe do sii Balaki. 'Bhe 'yaa- zi 'bhii- 'bhe -goli' 'wla 'yee- Balaamu gbε □la, 'kooko- -e sɔ Izraeli -nε mu 'ε 'danganwole. 'Yee- Balaamu 'laa dɔle 'mu 'danganwole -la. 'Bhεε- 'duɲ-, -ya □wlaa Izraeli -nε mu 'ε zi 'bhεε- 'mu -yanbhooya klele 'pegee yo mu gbale -saan 'si 'bhεeke mu 'le.

'ε 'pleŋ- 'edreε dreεle, 'bheε- 'ke 'mu dɔle- -o Zesu zi, -o 'mu 'lekan- -o 'gbu 'fle zrubhɔ maza -yɔɔ' mu 'ε 'le, 'bhe 'pegee -waa' -yanbhɔɔya maza mu 'ε 'le.

¹⁹ -Woo -liiwli' na 'mu ni dɔɔ 'mu nu bole 'mu 'gbu ma, 'bheε- 'duŋ-, 'woo- mu 'gbu -o -o 'gbu zrubhɔ maza -yɔɔ' mu 'ε 'mu -laa' lu mu 'le. -Amasɔyi 'ke mεε 'la zan 'sengwa- 'e 'le, 'e kle 'bhe zan a lu -la -le.

²⁰ Wlan 'gbu 'ε ni, mεε 'la zan mu -o 'niigwa- 'drunyan 'leε- 'yi mεε 'trinɔɔ- maza pe mu 'ε 'yi, -o -kɔɔa' Mεεzan 'pegee -kɔɔ' 'Bhee Mi Zesu Krisi dɔlawoa bhe -zayi'; 'bheε- 'ke -wa 'twa- 'ke 'bhe pe mu 'ε blɔɔ gbε dreεwo -o nii- ta, 'bhe zan mu 'ε -si 'ε kle 'eyɔɔle 'kee- kan -a -lwa 'ε ta.

²¹ 'Ke 'bhe zan mu laa -leɔɔleya ma zi 'ε dɔle bi, 'bhe mabhaa -yaa nu bhɔle -o 'gbu ma 'ke -o 'yee- zi 'ε dɔ 'bheε- -woo -banɔo' -woo -daanna -Waanbhaa' 'toŋ 'weŋ mu 'la 'le 'mu 'yi.

²² 'Woo- mεε mu 'la bhe -o -gɔɔn ple 'leε- 'mu 'yi jan 'ε 'leɔɔ-: «-Gbaan' 'ε -ya -piila pe 'la 'le, -e -niinaa' 'bheε- 'bhlele- ta.» 'Bheε-: «-O -yaan □swa 'la 'felele, -e -ja -a -glɔɔ gbε dreεwole -pεε 'ε ba 'ezin-.» 'Woo- -gɔɔn ple 'la bhe -o -yi -le 'ke 'woo- mεε mu 'la bhe -o kleza 'ε 'bheε- 'le.

3

Mεεzan Zesu 'nu yi 'ε ma -tɔɔmasie

¹ 'N 'yiɛnii mu, 'an 'sewe de gbε ple mi -le 'ka ni 'keleε- 'le. 'Woo- 'sewe ple 'ε 'kpen 'yi, 'ŋ 'ka -daanna -za mu 'la 'le 'ŋ □bwa 'mu dɔle ma 'ka 'kpee, 'ka 'liaza- -zayi', 'kooko- 'ka 'kpeejan- mu 'ε 'leɔɔle kle.

² 'N̄ 'yoo- -a zi 'bhii- -Waanbhaa' *-lɛla' janwo mu 'wɛŋ mu 'ɛ -o -jan mu 'la ɲwoa 'ka ni 'elwaleta -so, 'bhe -jan mu 'ɛ do 'ka 'kpee. 'Bhɛɛ- *'Toŋ 'la -kooa' Mɛɛzan 'pegee -koo' -Bhee mi Krisi 'bhe ɲnaa -yaa winbowo mu 'ɛ ni 'ka daanpɛ 'le, 'ŋ 'yoo- -a zi 'bhii- 'ŋ 'bhe 'Toŋ 'ɛ -zadɔ' 'ka 'kpee 'ezin-.

³ -Kaa 'yaango- 'elwale 'pe 'bhii- 'ke 'drunyan 'yan bhla 'ɛ ɲbhwa -wa -din, mɛɛ 'ke mu nu 'pwɛɛ- -a -yi, 'bhɛɛ- -o nu mɛɛ 'la zan mu 'kpale-o Zesu 'yi 'mu malrɔgolɛ. -O nu 'taawolɛ -o 'gbu zrubho maza mu 'te mu -la zi.

⁴ 'Bhɛɛ- -o nu -a pelɛ 'ka ni doo: «Zesu pe -e nu nu gbɛ drɛɛwolɛ, 'bhɛɛ- -a 'gbu -o 'naa- ɛɛ? 'Bhɛɛ- 'o -gboo mu 'a 'nule- 'ɛ magbian- 'fruu, 'bhɛɛ- 'mu -gaa; -a 'san 'drunyan klɛle ma, pɛ 'kpen -o 'bhe bogbɛya 'ɛ 'bhɛɛ- 'yi, 'bhɛɛ- -za 'kedo- 'kpɔ ma laa boolɛ -li!»

⁵ -Wa pe 'zi 'bhe 'pegbɛya 'ɛ gbɛɛn- bhe, -amasrɔyi waa -o -a zi 'bhii- -o -za 'lɛɛ- 'bhɛɛ- do: 'Elwaleta -so, -Waanbhaa' lafle' 'pegee 'trɛ ɲkla -a -liijan' 'le. -E 'trɛ 'plɛŋgwa- -yi mu 'ɛ ma; 'bhɛɛ- -e 'trɛ 'ɛ 'lɛkpa- 'eke- ta -yi mu 'ɛ plɛŋ-.

⁶ 'Bhe klɛgbɛya do 'ɛ 'yi, -Waanbhaa' 'elwaleta 'drunyan 'ɛ 'siɛla- 'ke la gblo -gbɛɛ do -la -le.

⁷ 'Duŋ-, -Waanbhaa' lafle' 'pegee 'trɛ 'ɛ ɲkpa- 'edanma -yaa' -jan do 'kpɔ 'ɛ 'le -o 'kpacie zayi' 'tɛ 'le. -O 'kpacie yi 'ɛ nu klɛɛ mɛɛ -yoo' mu 'ɛ 'kitikanle yi 'ɛ 'pegee -o 'siɛ yi 'ɛ 'bhɛɛ- 'le.

⁸ 'Bhe 'kpen 'yi bhe, 'ŋ 'yiɛnii mu, -za 'lɛɛ- 'bhe -za 'laa golɛ 'ka 'kpee -titi: Mɛɛzan -Waanbhaa' -yɛ 'yi, -yɛkpa- do -o 'bhii- -yɛkpa- 'waa do; 'bhɛɛ- -yɛkpa- 'waa do -o 'bhii- -yɛkpa- do.

⁹ MEE 'ke mu -o -a pe 'zi dɔɔ MEEzan -o -a gbɛtadɔ 'zi -a -liiwli' 'e 'lesole ma. Wlan laa 'bhe 'le! 'Yee- MEEzan -Waanbhaa' -o -a zrubakpaa zii' 'ka zi, 'bhe- -ya zi 'bhii- 'ka 'kpen go -za 'yi, 'bhe- 'ka 'kedo- 'kpɔ 'laa kle 'ke 'sie pe 'le. Wlan 'e ni, -ya zi 'bhii- mɔkpen' 'ploo- 'mu kleza -yɔɔ' mu 'e ma, 'bhe- -woo zru niinaa' 'yee- 'gbu ba.

¹⁰ 'Bhe- 'duŋ-, MEEzan Zesu 'nu yi 'e nu 'klale- -kɔɔ' ba 'bhii- -faannii' kla mee ba gɔne- 'la gbɛen-. 'Bhe yi 'e 'le, lafle' nu 'kanle- 'ke mee -gblaan pe -weli' -gbɛɛ do 'le; 'te nu bɔle laanima pe mu 'e 'kpen 'yi 'bhe- -o yie, 'tre 'pegee -a ta pe mu 'e 'kpen nu 'kpaciele. *

¹¹ 'Ke pe 'kpen nu 'siele- 'bhe klegbɛya 'e gbɛen- bhe, -ka dɔ klen 'ke 'ka 'taawogbɛya kle 'wen -Waanbhaa' -yre 'yi, 'bhe- 'ke 'ka bloole bo 'egloole -a ma.

¹² -Kaa nu yi 'e magben, 'bhe- 'ke 'ka sɔ -za 'la klele- -ka 'bhe kle, 'bhe- 'kaa 'nu yi 'e 'lasi-. 'Bhe yi 'e 'le, 'te nu bɔle lafle' 'pegee -a -yi pe mu 'e 'kpen 'yi, 'bhe- -o nu -yiele'.

¹³ 'Duŋ- -Waanbhaa' 'a 'liiwli- -naa -kɔɔ' ni dɔɔ -e nu lafle' dree 'pegee 'tre dree nale -kɔɔ' ni. -Ledɔɔleya maza 'te -le nu klele 'bhe yre dree 'e □nɔɔ. 'O mɔɔ -o 'bhe- magben 'zi 'te.

¹⁴ 'Bhela- -zayile, 'ŋ 'yienii mu, 'ka -o 'bhe yi 'e malagben 'zi bhe, -ka dɔ klen 'ke -Waanbhaa 'ka ye 'ka 'kpee 'fleele- 'le, 'ke waa 'joo 'yɔɔ- 'kedo- 'kpɔ ye 'ka zi; 'bhe- 'ke yilabla kle 'ka 'pegee -Waanbhaa' plen-.

* **3:10 3.10** 'Ke -wa □pia MEEzan a yi 'e, -woo -we 'zi 'ezin- -Waanbhaa' a 'kitikan yi gblaana 'e 'bhe- 'le. 'Bhe yi 'e 'le, -e nu bhaaplen mu 'kpen 'kitikanle.

15 -Kaa 'yaango- 'bhii- -kooa' Meezan -o -a zrubakpaa zii' -koo' zi, 'kooko- -koo' go -za 'yi; 'bhii- -koo' neene- Polu 'la -za so -koo' ni 'bhe 'sewe □kpa 'ka ni gone- 'la gbēen- bhe 'ezin-, -Waanbhaa' -zadoleya 'la -naa -a ni, 'bhe 'le.

16 -E -janwoa 'bhe- gbēen- -yaa' 'letre mu 'e 'kpen 'yi 'yee- -za 'e ba zayi'. -Yaa' 'letre mu 'e 'yi yre 'ke mu -yimale la. 'Bhela- -yile, -zadokle mee mu 'la 'ke waa dōle -li 'egloole -o 'kpaleya 'e 'yi, -o 'bhe yre mu 'e □noo jan mu 'e maboola. -Wa klēlawo zii' 'bhe gbēen-, -woo 'gbu 'sieyre- -la -glin 'zi bhe.

17 'Duŋ- 'ka mu 'ŋ 'yiēnii mu, 'mi 'ka 'kpeelēkaan -zōn. 'Ka 'yri bo 'ka 'gbu -za 'le, 'bhe- 'ka 'laa 'tolē- 'ke mee -yoo' mu 'e -waa' 'yinileya 'e 'ten 'ka ma, 'bhe- 'bhe 'ka go 'ka dulayre -lrele' 'e □noo.

18 'Duŋ-, -ka dō klēn 'ke 'ka -kooa' Meezan 'pegee -koo' 'Bhee Mi Zesu Krisi a -lileya 'e baando yi 'oo yi, 'bhe- -a dōleya 'e 'ka 'koo 'bhe baan' kla 'bhe ba. Bhaa 'tōbhōleya bo -a ni -zōn 'pegee yikpensee ta! Amiina.

Mwan
The New Testament in the Mwan language of Côte
d'Ivoire

copyright © 2006 Wycliffe Bible Translators, Inc.

Language: Mwan

Contributor: Wycliffe Bible Translators, Inc.

All rights reserved.

2025-05-14

PDF generated using Haiola and XeLaTeX on 14 May 2025 from source
files dated 14 May 2025

1220066e-ed9e-5c66-9c3b-435a6575b8da